

'KORRIKA 13' AURKEZTU DU AEKK ETA LAGUNTZAILE KANPAINA JARRI DU MARTXAN

## AEK-k herritarren laguntza eskatu du gaur egungo egoera zaila gainditzeko

■ Euskerari eta AEKri egindako erasoek eta Garzonen erasoek euskaltegia egoera zailan utzi dute AEKren esanetan ■ Egoerari aurre egiteko 10 euroko laguntzaile bonoak daude salgai, "Korrikako kilometro sinbolikoak".

AURTENGO Korrika apirilaren 4tik 13ra egingo da, Mauletik Iruñara. Seguruenera apirilaren 6an pasako da Hernanitik, goizaldeko 01:00ak aldera, Astigarragatik Urnietara bidean.

### 10 euroko bonoak

AEK egoera larrian dago, euskaltegiak berak jakitera eman duenez. Azken aldiko euskeraren kontrako erasoek eta AEKren kontrakoek matrikulazioa asko jeitsi dute Euskal Herrian (Hernanin igo egin bada ere) AEKK salatu duenez, eta Garzonen AEKren kontra hartutako neurriekin egoera ekonomikoa ere asko konplikatu zaie. Egoerari aurre egiteko herritarren laguntza eskatu du AEKK eta 10 euroko bonoak jarri ditu laguntza eman nahi dutenentzat. Bonoak "aurtengo Korrikako kilometro sinbolikoak" izango dira. Bonoa



Aurreko Korrika Txikia Kale Nagusian gora.

egiten duenari txartel bat emango zaio eta txartel horrekin % 10-15-eko deskontuak izango ditu Euskal Herriko hainbat denda eta zinetan. Hernanin bonoak egin litezke Aralar, Rioja, Oindi, Kitto eta Egoki tabernetan; Urbietakopiak, Peña, Haizea eta Adarra dendetan; eta AEK

euskaltegian bertan, Larramendi kalean.

### 'Ez dok Amairu' gogoan

AEKK 60. hamarkada bukeran eta 70. hamarkada hasieran euskal kulturak bizitako ber-pizkundea gogoratu eta omendu nahi du aurtengo Korrikan. Garai hartako mu-

gimenduen artean *Ez dok Amairurena* azpimarratu du AEKK "diktadura baten pean euskal kantagintzari eta kulturari bultzada itzela eman ziolako". AEKK dio Korrikak gauza bera esan nahi diola gizarteari, "ezer ez dagoela amaiturik eta patuari aurre egin behar zaiola". □

## Etixerat elkarteak Parisko gobernuaren jokabidea salatu eta Fleuryko espetxera joateko dei egin du

ETXERAT elkarteak prentsa ohar batean salatu duenez, Frantziako espetxeetako bizi baldintzak okerrera egin dute azken hilabeteotan. Hori dela eta, presoak borrokan dira beren eskubideen alde, esate baterako Fleury-Merogisen, Euskal Herriatik 911 kilometrotara. Presoek bisita orduak akumulatzeko eskatzen dute, beren senideak ikusi ahal izateko. Hernaniko Etxeratek Fleuryra joateko dei egin du preso-erakustera, urtarrilaren 31ean Amaratik aterako diren autobusetan. Izena emateko 699 82 91 98 telefonora deitu.

Bost dira Frantzian preso dauden hernaniarrak: Gabino Etxeberria, J.A. Arrozpide, J.M. Olano, Alberto Rey eta Kepa Pikabea. Etxeratek salatu du sakabanaketa politikoa dela-eta senide eta lagunek ehundaka kilometro egiten dituztela, eta istripuak eta gastu ekonomiko handia suposatzen duela horrek.

Bestalde, *Noizko eguna* bihar da Tolosan, kondenaen 3/4ak beteak dituzten presoek askatasuna eskatzeko. Hernaniko Etxeratek joateko dei egin du. Eguerdiko 12:00etan, Tolosako plaza Zaharrean. □

## FUTBOLA

### Gorengo taldea zuloatik aterako duen garaipenaren bila aterako da gaur

■ Zubietan jokatu du Zarautzen kontra, gaur 18:30etan ■ Emakumezkoen ligan Hernanik partida erraza du Amara Berriren kontra.

HERNANIK Zarautzen kontra jokatu du gaur Zubietan (Zubipe oraindik jokatzeko moduan ez dago-eta), 18:30etan. Garrantzitsua da gaurko partidua, hemendik aurrerako guztiak bezalaxe, eta Hernanik irabaztea lortzen badu postu asko igo litzazke sailkapenean. Zarautz bera 7garren dioa eta 5 puntutara jarriko litzaioke Hernaniri. Ea

ba zaleak desiatzen duten txanpa hartzen duen Hernanik.

### Hernani-Amara Berri

Emakumezkoen ligan sailkapeneko azkenaren kontra jokatu du gaur Hernanik, 17:30etan, Urnietan. Hernani 3garren dioa eta goiko taldeen bidea galdu nahi ez badu irabazi beharra dauka gaur. □

## ERRUGBIA

### Hernaniko hamabost jokalarik gazte Euskadiko selekzioak konbokatuta

EUSKADIKO selekzioak preselektzio bat egingo du gaur kadete eta jubenil mailan. Hernanitik 15 jokalarik konbokatuta dituzte, 7 kadete eta 8 jubenil. Kadeteak dira: Mendizuri, Sarriegi, Etxeberria, Apaolaza, Orbegozo, Pelaz eta Garcia. Jubenilak dira: Aginagalde, Barrio, Otaño, Illarramendi, Leon, Garmendia, Holgado eta Majdzik. Preselektzio horretatik aterako da bi hilabete barru Espainiako txapelketa jokatu duen Euskadiko selekzioa. □

## Saharako herriaren aldeko ekitaldia gaur

SAHARAREN aldeko ekitaldia izango da gaur Plaza Berrian, goizeko 11:00etan hasita. Udaltxeko Kooperaziorako Arloaren talde laguntzaileak antolatuta, Haima bat jarriko dute Plaza Berrian Saharako informazioa eta argazkiekin, eta Frente Polisarioak Euskal Herrian duen ordezkaria ere Hernanin izango da gaur. Antolatuzaileen esanetan, Saharako egoera kritikoa bizi du eta herritarren laguntza inoiz baino beharrezkoagoa du. Ekitaldian elkartasun sinadura emateko aukera izango da eta Saharako falta dituzten jakiak uzteko ere bai. □

**Antziola-Motor**  
SALMENTA ETA TAILER ZERBITZUA

18 urte Hernanin, zuekin Ford-eko gama guztiarekin

Modelo guztiak

ANTZIOLA AUZOA 12 - Hernani - Tfnoa. 943 55 57 72  
Ordutegia: Asteazkera 9-13 eta 16-20 - Larunbatean 10-13

**IRUBIDE JATETXEA**

Epele auzoa 7 - HERNANI  
☎ 943 552 480  
Mobila: 667 208 702

**GALARRETA JAI-ALAI FRONTOIA**

Ostegun, larunbat eta igandetan jaialdiak

**GAUR 16:00ETATIK AURRERA ERREMONTE JAIALDIA:**

1. partidua: Martinez - Lander / Ziganda - Barrenetxea II
2. partidua: Txapelketa: Ezkurra - Urko / Altuna I - Eizagirre
3. partidua: Altuna II - Aizpurua II / Bitoria - Etxabe
4. partidua: Matxin III - Badiola / Sarasua - Etxeberria II



Hernaniko bi taldeak elkarren kontra jokatzen, Aristizabal kaleko lokalean.

## Hernaniko bi xake taldeek igoera fasea hasiko dute gaur

■ Hernani A bere taldeko lehenengo gelditu da, eta Hernani B laugarren ■ Zortzi talde ari dira igoera fasea jokatzen eta hiru igoko dira probintziako lehen mailara.

HERNANIKO xake taldeak dotore aritu dira liga guztian zehar, eta igoera fasea jokatzekeo klasifikatu dira biak, ligan lehenengo eta laugarren eginda. Gaur hasiko da igoera fasea: Hernani Ak Eibar Bren kontra jokatuko du Eibarren, eta Hernani Bk Zarautzen kontra Hernanin, Aristizabal kaleko lokalean (Txantxilla eta Atsegindegi arteko aldapan, Udal lokaletan). Bi partidak gaur 16:00etan izango dira.

**Hiru talde gora**  
Zortzi talde ari dira igoera fasea jokatzen, hernaniarren taldeko lau eta kostaldeko taldeetik beste lau. Orain arteko puntuak balio dute eta zortzi taldeetan puntu gehienarekin bukatzen duten hirurak igoko dira probintziako lehen mailara. Hernani Ak zortze puntu ditu orain artean eta Hernani Bk bost. Gerardo Plaza xake taldeko arduradunak Kronikari esan dionenez, bere ustez, bi tal-

deek dituzte igotzeko aukerak. Beren taldea kostaldekoa baino gogorragoa da eta orain beste taldeko ekipoen kontra jokatuko dituzte partida guztiak. Talde bakoitzean 7 jokalaridaude. Hernani A: I. Esnaola, F. Esnaola, M. Apezetxea, J. Altuna *Oxan*, J. Garmendia *Txuriya*, B. Estevez, eta G. Plaza. Hernani B: J. Nabaskues, J.A Ijurko, E. Soto, H. Bereziartua, I. Zabala, *Txarli* eta T. Orellana. □

**LEHENENGO URTEBETETZEA**  
**MANUELA IRAOLA OSTOLAZA**  
2002ko urtarrilaren 29an hil zen.

Manuelaren senitartekoeok oroigarri meza eskaini nahi diogu eta ezagutu zenuten guztiok bertara etorri zaitezten gonbidatzen zaituztegu.

Oroigarri meza, **bihar, urtarrilak 26**, goizeko 12:00etan, Floridako San Jose Obrero parrokiaren.

Hernanin, 2003ko urtarrilaren 25ean.

**LEHENENGO URTEBETETZEA**  
**Manuel Olano Garaiar**  
2002ko urtarrilaren 2an hil zen, 88 urte zituela  
*Urak dakarrena urak darama, zuk emandakoa gurekin geratzen da*

Bere sendiak haren animaren alde otoiitz bat eskatzen dizuete eta arren etor zaitezte, bihar IGANDEA, urtarrilak 26, goizeko HAMAIKETAN, San Juan Bautista parroki elizan egingo den urtebetetze mezara. Aldez aurretik, mila esker.

Hernanin 2003ko urtarrilaren 25ean.

**OROIGARRI MEZA**  
**Juan Tomas Bergara Zubiri**  
2002ko urtarrilaren 7an hil zen, 83 urte zituela  
Elizakoak eta Aita Santuaren Bedeinkazioa hartuta  
-Goian bego-

Bere sendiak haren animaren alde otoiitz bat eskatzen dizuete eta arren etor zaitezte, bihar IGANDEA, urtarrilak 26, goizeko HAMAIKETAN, San Juan Bautista parroki elizan egingo den urtebetetze mezara. Aldez aurretik, mila esker.

Hernanin 2003ko urtarrilaren 25ean.

**ZERBITZUAK**

☎ TELEFONOAK	☎ FARMAZIAK
<ul style="list-style-type: none"> <li>☛ Taxiak: 943 550093</li> <li>☛ Udaltzaingoa: 943 333288</li> <li>☛ DYA: 943 464622</li> <li>☛ Autobusak: 943 556662</li> <li>☛ Anbulatorioa: 943 006666</li> <li>☛ Jokalari anonimoak: 943 331103</li> </ul>	<ul style="list-style-type: none"> <li>☛ Egunez: Correa Perkaiztegi 8 ☎ 943 551933</li> <li>☛ Gaeuz: Atxa-Orbea Lasarte. Hipodromo 6 ☎ 943 363549</li> </ul>

**IRAGARKI MERKEAK**

Umeak zaindu eta etxeko lanak egiteko pertsona bat behar dut. Goizeko 8:00etatik 15:00etara. Deitu: **943 55 58 40** (Arratsaldeko 19:00etatik aurrera)

Emakume bat behar degu, etxeko lanak egin eta umeak zaintzeko. Deitu: **646 07 93 43 - 943 21 68 98.**

Kotxea salgai. Aixan 400, (konduzitzeko ez du karnetik behar). Deitu: **943-550847**

KIROLA				ASTEBURUKO PARTIDUAK			
FUTBOLA	Taldeak	Non	Noiz	PELOTA	Taldeak	Non	Noiz
Gorengoak	Hernani-Zarautz	Zubieta	Gaur, 18:30	Udaberri Txapelketa			
Emak. Liga	Hernani-Amara Berri	Umista	Gaur, 17:30	Esk. 2	Asoiga / Sarasua - Sebastian	Asoiga	Bihar, 10:30
1. Errejon	BetiGazte - Hernani	Mextegi	Bihar, 16:30	Pal. Go	Burut. - Arizabal / Hoz - M anchob.	Kirolbegia	Gaur, 15:00
Gazt. Nazi.	Olarzu - Hernani	Olanabe	Bihar, 11:00	Pal. Go	Quijeto - Lujanbio / Ram untxo	Kirolbegia	Gaur, 15:00
Gazt. O hor.	Buumendi - Hernani	S.M. Iguel	Gaur, 16:00	Juben	Arista - Otegi / Gaztelku	Kirolbegia	Gaur, 15:00
Kad. O hor.	Hernani-Aba Mendi	Umista	Gaur, 15:45	Kadet	Lizardi / Barrantes - O jiel	Egido	Gaur, 16:00
Kad. 2garr.	Hernani-San Patricio	Umista	Gaur, 09:45	Kadet	Gure Txemi / Erdoz - Ram os	Getaria	Gaur, 10:00
Haur. O hor.	Elgoibar - Hernani	Minteta	Bihar, 12:00	Gipuzkoako Txapelketa			
ER RUGBIA				In fan	Ezeiza - Gaxtel / Andazpe	Kirolbegia	Gaur, 15:00
Jubenilak	EuskalSek 8 hernaniar	Gebo	Gaur, 10:00	In fan	Asoiga / Gamendia - M uroz	Asoiga	Bihar, 10:30
Kadeteak	EuskalSek 7 hernaniar	Pentzia	Gaur, 10:00	Euskadiko Txapelketa			
BOLEBOLA				Kadet	Ekaiza / Gombategi	Bena	Bihar, 11:00
Kadeteak	P.M. Donostia - Langile	P. Baroja	Gaur, 12:30	Kronika Txapelketa			
Jubenilak	Lasarte - Hernani KE	Lasarte	Gaur, 10:30	Gamendia - Zabala / Zapi - Etxebe	Tibseta	Gaur, 16:00	
XAKEA				Mujka - Egazza / Gartzia - Kijja	Tibseta	Gaur, 16:30	
Gipuzko L	EibarB - HernaniA	Eibar	Gaur, 16:00	Txatdi - Kolo / P abo - Fernando	Tibseta	Gaur, 17:00	
Gipuzko L	HernaniB - Zarautz	Hernani	Gaur, 16:00	Zeha - Urdangarin / Leganeta - Ezeiza	Tibseta	Gaur, 17:30	
WATERPOLOA							
2. Eusk L	CN Easo - HernaniB	Donostia	Gaur, 20:30				

**ZINEA BITERIN**

**'Historias minimas' eta 'Pastel magikoa'**

BI pelikula botako dituzte asteburuan Biterin. Arratsaldeko 17:00etan *Pastel magikoa* filma izango da umeentzat eta gauean *Historias minimas* helduentzat, 22:30etan. Bihar 17:00etan sesioa Umeentzat, eta 19:30 eta 22:30etan helduentzat. □



**ELORRABI**  
Sagardotegia  
Bautista Goikoetxea Izagirre

Osiñaga auzoa  
ELORRABI baseria  
Tel. 943 336 990  
Mobila. 630 429 674  
20.120 HERNANI



**OIALUME BILTOKIA.**

Igande eta jai egunetan dantzaldia, 19:30etatik aurrera.

**Bihar igandea: Trakets**

OIALUME BILTOKIA  
Oialume auzoa - 943 55 29 38

**LUBER BIDEODENDA**

Kardaberaz kalea 3, Hernani  
Tfna: 943 33 50 48  
Mobila: 635 71 72 12 (24h)

- Pelikularik berrienak (VHS eta DVD)
- Marrazki bizidunak, Zinekluba...
- Sandwich hotz eta beroak
- Goxoki eta litxarkeriak

**Aukera bereziak** Otsailaren 3 arte

- 10 Euroko kargarengatik 4 dohan
- 15ekoagatik 7 dohan
- 20koagatik 11 doha
- 30koagatik 20 dohan

**Ordutegia**  
Astelehenetik igandera  
11:30etatik 21:00etara

**Zabaldu berria**

# “Legislatura osoan biolentziak amenazatuta ibili behar izan dugu Udaletxean eta ez dugu sekula Alkatearen elkartasunik jaso”

■ PSE-EEko buruaren ustez, hiru urteotan Udal Gobernuak gestio txarra egin du eta atzera bota du oposizioaren edozein proposamen edo sugerentzia.

■ Alderdi Sozialistaren iritzirako, aurreko legislaturan aurreratuta utzitako proiektu eta iniziatibak bidean gelditu dira, “Batasunak ‘rodilloa’ pasata”.


■ PSE-EE ari da lanean datozen Udal Hauteskundeei begira, baina, ez du argitu ez zein izango den alkategaia eta ez zer paktu egin lezaketen.



Jose Ramon Chica eta Jose Morcillo PSE-EEko zinegotziak Plenoan.

## ABIADURA HAUNDIKO TRENA

“Alderdi Sozialista beti egongo da progreso eta eusteko moduko desarroiloaren alde. AHTa sinbolo estrategiko bat da garraioaren etorkizunean eta ez gara inoiz egongo Abiadura Haundiko Trena Euskadin izatearen kontra”.



**UDAL TALDEEI  
ELKARRIZKETAK**

**EA-EAJ  
OTSAILAREN 1EAN**

**SOZIALISTA  
ABERTZALEAK  
OTSAILAREN 8AN**



**LEGEGINTZALDIA** bukatzeko bost hilabete eskas falta direla, Hernaniko Kronikak Udal Taldeen erreflexio eta iritzia bilduko ditu. Balorazioak, 2003ko Udal aurrekontuak eta inbertsio proposamenak, gatazka politikoa, Udal Hauteskundeak eta abar aztertuko dira elkarriketetan.

Hona hemen Jose Morcillo PSE-EEko Udal Taldeko buruak egindako adierazpenak.

■ **KRONIKA:** Nola baloratzen du Partidu Sozialistak orain arte Udal Gobernuak egin duen gestioa?

MORCILLO: Aurreko Legislaturan Tripartitoak Hernani planifikatuta utzi zion oraingo Gobernu Taldeari. Proiektu asko utzi genituen martxan. Hernaniaren etorkizuna beti gurekin generaman kezka

## INGURUGIROA

“Gure iritzirako bai orain eta bai gero, ingurugiroa gaurko eta biharko udal gobernuen seilua izango da. Hernaniarrek inongo bildurrik ez izateko, argi jokatu eta kontrolak egitea da istripurik ez gertatzeko modua.”

izan zen, eta utzi genuen testigantza biharko Hernani nola ikusten genuen industrian, ekonomian, alde sozialean eta hirigintzan. Batasunaren Gobernuak gehiengo absolutua erabili du eta egindako planifikazio guztia gelditu egin du. Adibideak hor daude: Her-

## OPOSIZIOA

“Oposiziotik etorritako edozein proiektu edo sugerentziaren aurrean, Gobernu Taldeak beti erantzun du krispazioz eta era guztietako akusazioekin”.

naniko Arau Subsidiarioak berritzeko proiektua, Babes Ofizialeko etxeak egiteko terrenoak hartzeko Tripartitoak Jaurlaritzarekin sinatutako konbenioa aldatu egin zuten, eta abar.

Batasunaren Gobernuak gogotik pasa du gehiengo absolutuaren rodilloa. Oposiziotik etorritako edozein proiektu edo sugerentziaren aurrean Gobernu Taldeak beti erantzun du krispazioz eta era guztietako akusazioekin.

Hiru urteotan, Batasunak bere antz-irudira eraiki nahi izan du Hernani, eraikuntza nazionalaz duen ikuspegi berezi horretatik. Gure balorazioa erabat negatiboa da.

■ **Eta, nola baloratzen duzu PSE-EEk oposizioan egindako lana. Zer iniziatiba eta proiektu bultzatu ditu eta zein bultzatuko ditu. Zein enmienda egingo dizkio 2003ko inbertsio proposamenari?**

Alderdi Sozialistak legislatura honetan ez du bere lan instituzionala egiteko baldintzarik izan.

■ **Konfliktoa dela eta, zein da zinegotzi sozialisten egoera eta nola eragin dio horrek zuen ardura municipalari?**

Legislatura osoan biolen-

## “Tripartitoak proiektu asko utzi zituen martxan eta Batasunak, gehiengo absolutuarekin, gelditu egin du guk egindako planifikazio osoa”

tzia terroristak eta persekuzio biolentziak amenazatuta ibili behar izan dugu Udaletxean, mugitzeko askatasunik gabe eta bitartekorik gabe. Ez dugu sekula Alkatearen elkartasunik jaso eta bere Gobernu Taldearenik ere ez.

### BATASUNAREN ILEGALIZAZIOA

■ Aurreko Udal hauteskundeetan boto gehiena jasotako alderdiak litekeena da datozen hauteskundeetan aurkezterik ez izatea. Ikuspegi demokratiko hutsetik, zer iruditzen zaizu hori? Erantzunik ez.

### ZAHARREN EGOITZA

■ Gaur egunean, eta 95 Dekretua medio, Sandiusterriko Erresistentzia Diputazioaren kompetentzia da. Itxura denez, ordea, Udala eta Diputazioaren artean ez dago akordiorik zerbitzua finantzatzeko, eta Dekretuak eskatzen duen anpliazioa ordaintzeko ere ez. Zein da zuen jarrera gai honetan.

Jakinekora da zerbitzu sozial espezializatuak Foru Aldundiarenak direla. Eudelen egin zen kompetentzia banaketa Udaletxe eta Diputazioaren artean eta horrek 95 dekretua ekarri zuen. Kompetentziak esan nahi du gestioa eta finantziarioa. Derrigorrean, gai honek bere denbora

### GESTIOA

“Udal gestioa nolakoa izan den ikusita Alderdi Sozialistatik erabat balorazio negatiboa egiten dugu: Batasunak hiru urte hauetan bere antz-irudira eraiki nahi izan du Hernani, erai-kuntza nazionalaz duen ikuspegi berezitik”

### UDAL HAUTESKUNDEAK

“Agrupazio lokala ari da lanean Alkategai izateko kandidatoa zein izango den erabakitzeko. Hauteskunde ondorengo paktuei buruz, momentu honetan PSE-EEK ez dauka ezer esatekorik.”

beharko du egoera berrira egokitzen. Bide horretan, beharrezkoa da aldeek negoziatzeko jarrera izatea.

Sensibilidade handia eskatzen duen terrena da eta langileen lana klabea da hor. Horrexegatik, Ongintzako buruak asko negoziatu behar du eta ez sindikatuekin etengabe konfliktuan egon, orain Hernaniko Ongintza Patronatuan gertatzen den bezala.

### DESARROILOA ETA INGURUGIROA

■ Azken urteetan kontuan hartzeko susto kimikoak izan dira Hernanin eta emerjentzia plana ere martxan jarri behar izan da. Zuen ustez herritarrek ba al dute zertaz kezkatu?

Gure iritzirako, ingurugiroa da eta izango da gaurko eta biharko Udal Gobernuen seilua, bai orain eta bai gero. Bizi kalitatearen adierazgarria da, eta hala izango da. Hernaniarrek ezereen beldurrik ez izateko modurik onena da beti kontu haundiz jokatu eta egin beharreko kontrolak egitea, eta



Jose Morcillo PSE-EEko Udal Talde burua.

arduradun guztiei inplikaziorik haundiena eskatzea.


■ Udal Gobernu Abiadura Haundiko Trenaren proiektuaren kontra jarri da. Nola baloratzen du Alderdi Sozialistak tren horrek Hernanin izango duen eragina.

Alderdi Sozialista beti egongo da progreso eta eusteko moduko desarroiloaren alde. AHTa sinbolo estrategiko bat da garraioaren etorkizunean eta ez gara inoiz egongo Abiadura Haundiko Trena Euskadin izatearen kontra.

### SANDIUSTERRIKO ZAHARREN EGOITZA

“Diputazioaren eta Udalaren aldetik jarrera negoziatzaile haundiagoa behar du. Sensibilidade handia eskatzen duen terrena da eta langileen lana klabea da hor. Horrexegatik, Ongintzako buruak asko negoziatu behar du eta ez sindikatu-ekin etengabe konfliktuan ibili, orain gertatzen den bezala.”

### ERREMONTA



Koteto Ezkurak erakustaldi ederra eman zuen ostegunean Galarretan, Zeberio II eta Lizasoren kontra.

### Ezkurra-Urko eta Altuna I-Eizagirre liderrak, elkarren kontra Galarretan

BINAKAKO Txapelketako partiduak jokatu dira gaur Hernaniko Galarreta Jai-Alai frontoia eta Euskalen. Altuna I eta Eizagirre dihoaz lider eta gaur bi horiek Ezkurra eta Urkoren kontra jokatu dute, Galarretako jaialdiko bigarren partidua. Euskalen, berriz, Inigo eta Lizasok jokatu dute Zeberio II eta Aizpururen kontra.

Bestalde, gaur Galarretan beste hiru partidu ere jokatu dira arratsaldeko 16:00-etan hasiko den erremonte jaialdian: Martinez-Lander/Ziganda-Barrenetxea II, Altuna I-Aizpurua II/ Bitoria-Etxabe, eta Matxin III-Badiola, Sarasua-Etxeberria. □



Hernaniarrek xakean.

### Herriko xake Txapelketa bigarren fasean sartu da

HERRIKO Xake txapelketa sartu da bigarren fasean. Aurrenekoan irabazitako partiduak kontuan hartu dira, baina, ez da inor kanpoan gelditu. Oraingoan 16 jokalaririk pasako dira aurrera. Partidurak otsailaren 8rako jokatu behar dira. □